



Isalathiso: 20210217-1045
Inombolo yefayili: 12/2/11/1
Imibuzo: KuBalawuli beZithili

INGcaciso eMfutshane yeCandelo leKharityhulam yeFET: DCF 0003/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zokunika inkxaso kwiKharityhulam, kwiiNtloko zoLawulo nokuphathwa kwamaziko, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo nakwiinqununu zezikolo eziziisekondari

Isihloko: Ukusiwa kweencwadana u-Tips for Success kubaviwa baka-2021 beSatifikethi seMatriki sikaZwelonke

1. ISebe leMfundo leNtshona Koloni lilungise incwadana u-Tips for Success ukulungiselela umviwa ngamnye waseNtshona Koloni weSatifikethi seMatriki sikaZwelonke (NSC) ngo-2021 nokubanceda kumalungiselelo eemviwo zabo. Le ncwadana inika iingcebiso ngokufunda, iingcebiso ngeemviwo, iinkcukacha ngeebhasari, inkcazo ngokuqulethwe zizo zonke izifundo, iikhowudi ii-quick response (QR) codes zee-teleomatics videos nenye ingcaciso eluncedo.
2. Le ncwadana mayinikwe umviwa ngamnye weBakala 12 kwikota yokuqala ka-2021.
3. Kuza kufakwa iincwadi ezongezelelweyo kwisikolo ngasinye **kutitshala ngamnye weBakala 12**. Ezi ncwadana ziya kusiwa ngamagosa ezithili kuzo zonke izikolo eziphakamileyo kwiKota yokuQala.
4. Ukuba kuthe kanti inani leencwadana ezisiwe esikolweni alichanekanga, kucelwa uqhagamshelane ne-ofisi yesithili sakho. Iincwadana ezingaphezu kwemfuneko mazibuyiselwe kwi-ofisi yesithili.
5. Ukwenzela ukuba ezi ncwadana zibe nesiphumo esinqwenelekayo ekuncediseni abaviwa kumalungiselelo eemviwo zabo, **kucetyiswa ngamandla ukuba ootitshala mabaxoxe ngokuqulethwe yile ncwadana neeklasi zabo zeBakala 12** yaye bakhuthazwe abaviwa ukuba bayifunde.
6. Anokufumaneka apha amaphepha emibuzo neememorandam zokumakisha zeemviwo zeNSC ezidlulileyo:
<https://wcedonline.westerncape.gov.za/documents/Matric/matric-n/index.html>

7. Kucelwa iinqununu zazise okukule ngcaciso imfutshane bonke ootitshala beBakala 12 ukuze bakuthathele ingqalelo.

ISAYINWE: NGU-PAD BEETS

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2021-02-23